



Inatsisartut

Aningaasaqarnermut Akileraartarnermullu

Ataatsimiititaliaq

Finans- og Skatteudvalget

Ulloq/Dato:

15. maj 2012

J.nr.:

01.31.06/12-00579

Aningaasaqarnermut Naalakkersuisoq

Aningaasaqarnermut Akileraartarnermullu Ataatsimiititaliap suliaq nr. 01.31.06/12-00579 pillugu aalajangiineranik Naalakkersuisunut ilisimatitsineq.

Kalaallit Nunaanni nuna tamakkerlugu pilersarusiornermik aallarnisaanissaq

Naalakkersuisut **inassutigaaat**,

- kontomi pingaarnermi 70.01.01-imi Ineqarnermut, Attaveqarnermut Angallannermullu Naalakkersuisoqarfimmum tunngasumi, aningaasaliissutit 0,5 mio. koruuninik ikineqassasut, aamma
- kontomi pingaarnermi 70.01.12-imi, Nuna tamakkerlugu pilersarusiornermut tunngasumi, aningaasaliissutit 0,5 mio. koruuninik amerlineqassasut.

Aningaasaqarnermut Ataatsimiititaliap oqaaseqaatai

Nutaanik aningaasaliissuteqartoqarnissaanik qinnuteqaatit taamaallaat aningaasaqarnikkut iliuusissanut pingaarutilinnut aammalu aningaasanut inatsisissap suliarinerani sillimaffigereerneqarsinnaasimannngitsunut tunngasuusassasut missingersuusiornermut inatsimmi § 28, imm. 3-mi allassimavoq.

Aalajangersakkamut nassuiaatini ima allassimavoq:

"Aalajangersakkami aappaatut aalajangersarneqarpoq nutaanik aningaasaliissuteqartoqarnissaanik aningaasaliissutinilluunniit allannortitsisoqarnissaanik qinnuteqaatit taamaallaat aningaasaqarnikkut iliuusissanut pingaarutilinnut aammalu aningaasanut inatsisissap suloiarinerani sillimaffigereerneqarsinnaasimannngitsunut tunngasuusassasut. Tassa aningaasaliinissamik pisariaqartitsineq tassanngaannartumik pilersimasuusaaq peqatigitillugulu arlaatigut pinngaaruteqartuussalluni. Aningaasanut inatsisissap suliarinerani puiguinerit taamaaqataalluunniit pissutigalugit aningaasaliinissanik pisariaqartitsilersimanerit imaluunniit nutaanik aningaasaliissuteqartoqarnissaanik kissaatit ukiumi tullermi aningaasanut inatsisissamut utaqqinneqarsinnaasut maleruagassatut pingaarnertut ukiup aningaasanut inatsisip atuuffiata ingerlanerani Inatsisartut Aningaasaqarnermut Ataatsimiititaliaannut qinnuteqaataasinnaasariaqanngillat."

Qinnuteqaat pingaaruteqartut sillimaffigineqareersinnaasimannngitsutullu ataatsimiititaliamit isigineqanngilaq.

Tamatuma saniatigut suliniut qinnutigineqartoq taassumalu kingusinnerusukkat aallartinneqarsinnaanera pilersarusiornermut suliniutinut allanut, soorlu NIIP-mut ataqatigiissaarneqarnissaa qulakkeerneqaaqqaartariaqartoq ataatsimiititaliaq isumaqarpoq.

Kiisalu suliniutit qinnuteqaammi taaneqartut itut 2013-imut aningaasanut inatsisissatut siunnersuutip ilaatut aningaasaliinernut oqartussaasunut saqqummiunneqarnissartik sioqqullugu naatsumik erseqqissumik itisilikkamillu nassuiarneqarsimasariaqartut ataatsimiititaliaq isumaqarpoq.

Aningaasaqarnermut Ataatsimiititaliap aalajangiinera
Naalakkersuisut inassuteqaataat **itigartinneqarput.**

Aningaasaqarnermut Ataatsimiititaliaq sinnerlugu

Andreas Uldum
Siulittaasoq